

GULASCH EN SCHELENTERA

Avant dacurt è cumparì tar APART il cudesch «Gulasch en schelentera» da Claudia Cadruvi. L'autura e schurnalista ha scrit in crimi politic cun ina buna purziun umor ed ironia, ma era cun sang, erotica ed amur. In politicher local e ses clan gudognan bliers daners cun lur intrigas enturn in'ardera da rument.

Igl è la primavaira 2002. Sibilla Cahenzli inscuntra in um nunenconuschent che la dumonda per agid. Ella è controlladra da finanzas ed ha en sasez ses principis. Èsi ils bels egls blaus da l'um? U èsi ses mantè brin che la regorda a l'agen bab? Sibilla prenda encunter in pac ed empermetta da gidar. Paucas minutas pli tard s'enricla ella gia. Il pac cuntegna insatge che Sibilla stuess immediat purtar a la polizia. Ma l'emprim sto ella ir a chasa a vomitar. Là spegtgan ils usitads obstachels dal mintgadi d'ina mamma cun dus uffants – ed il pachet cun il cuntegn misterius sa tschenta per l'entschatta en schelentera... Gia il proxim di cumenza Sibilla cun las retschertgas. La via maina l'emprim en l'archiv chantunal, lura tar ina gasetta e silsuenter tar il directur dad in'ardera da rument en la vischinanza. El è prechastià, ma er in galantum cun blier scharm che lascha daventar flaivla perfin Sibilla Cahenzli...

Tgi che ha survegnì gust da leger – malgrà la chaussa disgustusa gia al cumenzament dal cudesch – po retrair il Gulasch, betg or da la schelentera, mabain tar la suandanta adressa:

APART EDIZIUN
ediziun@apart.ch
tel. 043 311 10 20
fax 043 311 10 21